

Հաշվետվություն

2018 թվականի նոյեմբերի 20-ից 24-ը Իտալիայի Հանրապետությունում (Հռոմ)՝ Աղետների ռիսկի նվազեցման եվրոպական ֆորումին մասնակցության վերաբերյալ

1. Անունը, ազգանունը

Արա Նազարյան, Մարգարիտա Հակոբյան

2. Զբաղեցրած պաշտոնը

ՀՀ արտակարգ իրավիճակների նախարարի տեղակալ, ՀՀ ԱԻՆ փրկարար ծառայության այլ պետություններում, միջազգային կազմակերպություններում, ՀՀ այլ պետական մարմիններում ՀՀ ԱԻՆ ներկայացուցիչ

3. Գործուղման վայրը և ժամկետները

Իտալիայի Հանրապետություն, քաղաք Հռոմ, 2018թ. նոյեմբերի 20-ից 24-ը

4. Հրավիրող կողմը

ՄԱԿ-ի աղետների ռիսկի նվազեցման գրասենյակի (UNISDR) եվրոպական մասնաճյուղ

5. Գործուղման նպատակը

Մասնակցություն Աղետների ռիսկի նվազեցման (ԱՌՆ) եվրոպական ֆորումին, որին ներկա էին պլատֆորմի անդամ 55 և ավել երկրներից շուրջ 800 պատվիրակներ, այդ թվում՝ նախարարներ, կառավարությունների անդամներ, ականավոր փորձագետներ, գիտնականներ, միջազգային, հասարակական կազմակերպությունների և այլ ներկայացուցիչներ:

6. Քննարկված թեմաները

Հենվելով 2017թ. Թուրքիայում տեղի ունեցած ԱՌՆ եվրոպական ֆորումի և 2017թ. Մեքսիկայում անցկացված ԱՌՆ Գլոբալ պլատֆորմի արդյունքների և Սենդայի գործողությունների ծրագրի իրականացման նպատակով 2015-2020թթ. եվրոպական ճանապարհային քարտեզի վրա՝ 2018թ. Հռոմում անցկացվող ԱՌՆ ԵՖ-ն նպատակ ուներ անդրադառնալ անկյունաքարային այն հիմնախնդիրներին, որոնք կարող են խթանել Կայուն զարգացման նպատակներին և Փարիզի Համաձայնագրին (կլիմայի փոփոխություն) համահունչ 2015-2030թթ. Սենդայի գործողությունների ծրագրի իրականացումը, այդ թվում՝

- Աղետների ռիսկի նվազեցման կայուն ֆինանսավորման գործիքներ

- ԱՌՆ ազգային ռազմավարությունների միջոցով Սենդայի գործողությունների ծրագրի, Նոր քաղաքաշինության օրակարգի, ԿԶՆ-ների, Փարիզի համաձայնագրի իրականացման ներդաշնակեցում,
- դիմակայունության կառուցման գործում հանրության լիարժեք ներգրավվում *(ոչ մեկին չթողնելով անտեսված)*
- մշակութային ժառանգության ռիսկերի նվազեցում,
- նորարարություններ և գիտություն՝ արդյունավետ ԱՌՆ համար նոր տեխնոլոգիաներ, և այլն:

7. Հանդիպումները, ելույթները, բարձրացված կամ քննարկված հարցերը

«ԱՒ նախարարի տեղակալ Արա Նազարյանը, Իտալիայի վարչապետ Ջուզեպե Կոնտիի նախագահությամբ և ՄԱԿ-ի աղետների ռիսկի նվազեցման գրասենյակի ղեկավար, ՄԱԿ-ի գլխավոր քարտուղարի հատուկ հանձնակատար Մամի Միզուտորիի հետ համատեղ, մասնակցել է միջոցառման պաշտոնական բացման արարողությանը, որի ընթացքում հանդես է եկել խոսքով՝ ներկայացնելով ս.թ. հունիսի 26-27-ը Երևանում տեղի ունեցած Կենտրոնական Ասիայի և Հարավային Կովկասի տարածաշրջանային պլատֆորմի արդյունքները և դրա շրջանակներում անդամ երկրների կողմից ընդունված Երևանի հռչակագրի հիմնական դրույթները, վերահաստատելով Հայաստանի պատրաստակամությունը և հանձնառությունը՝ շարունակելու համագործակցել գործընկեր երկրների և կազմակերպությունների հետ և շեշտելով աղետների ռիսկի նվազեցման գլոբալ օրակարգի կարևորությունը:

Ա.Նազարյանը մասնակցել է նաև «Եվրոպայի քաղաքացիների պաշտպանություն. աղետների դիմակայունության սոցիալական պայմանագիր» թեմայով բարձրաստիճան նախարարական կլոր սեղանին, որի ընթացքում քննարկվել են Եվրոպայում աղետների դիմակայունության բարձրացմանն ուղղված գործողությունների քաղաքական դինամիկան և տարածաշրջանային համագործակցության այն կոնկրետ ոլորտները, որոնք կարող են առաջ մղել այդ գործընթացները:

Նոյեմբերի 23-ին Ա.Նազարյանն աշխատանքային հանդիպում է ունեցել Իտալիայի վարչապետի աշխատակազմի Իտալիայի բնակչության պաշտպանության ազգային վարչության պետ Անգելո Բորելլիի և գլխավոր տնօրեն Ագուստինո Միոզոյի հետ, որի ընթացքում կողմերը քննարկել են բնակչության պաշտպանության

ուրրտում Հայաստանի և Իտալիայի միջև համագործակցության խորացման հնարավորությունները:

Ֆորումի շրջանակներում Սենդայի գործողությունների ծրագրի մոնիթորինգի գործընթացների, ԱՌՆ ոլորտում կարողությունների զարգացման և ԱՌՆ դաշտում գենդերային հիմնահարցերին նվիրված առանձին նիստերի և աշխատաժողովների ընթացքում ՀՀ ԱԻՆ ներկայացուցիչ Մ.Հակոբյանը հանդես է եկել զեկույցներով՝ ներկայացնելով Հայաստանի փորձը:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը

Նախարարական կլոր սեղանի շուրջ հանդիպման օրակարգում ներառվել է նաև Սենդայի գործողությունների ծրագրի իրականացման նոր հանձնարարականներ և հանձնառություններ բովանդակող «Եվրոպայի քաղաքացիների պաշտպանություն. աղետների դիմակայունության սոցիալական պայմանագիր» նստաշրջանի բարձր մակարդակի կոմյունիկեի ընդունման հարցը, որը հանդիպման մասնակիցների կողմից արժանացել է հավանության:

Ֆորումի վերջին աշխատանքային օրը՝ փակման նիստի ընթացքում անդամ երկրների մասնակիցների ուշադրությանը և հավանությանն է ներկայացվել նաև ԱՌՆ Հռոմի Հոչակագիրը:

Իտալիայի պաշտոնական ներկայացուցիչների հետ երկկողմ հանդիպման ընթացքում պայմանավորվածություն է ձեռք բերվել, որպես սկզբնական քայլ, վերանայել երկու պետությունների միջև գործող փոխըմբռնման հուշագիրը՝ հստակեցնելով համագործակցության հիմնական ողղությունները, մասնավորապես՝ ԱՌՆ կրթության, սեյսմիկ պաշտպանության, կամավորության զարգացման, նորարարական տեխնոլոգիաների առնչությամբ:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները

ՄԱԿ-ի աղետների ռիսկի նվազեցման գրասենյակի ղեկավար ներկայացուցիչների հետ ոչ ֆորմալ հանդիպման ընթացքում ՀՀ ԱԻ նախարարի տեղակալ Ա.Նազարյանը շոշափել է ապագայում հերթական ԱՌՆ եվրոպական ֆորումը Հայաստանում անցկացնելու հավանականությունը՝ հաշվի առնելով այս տարի Հայաստանում տեղի ունեցած Կենտրոնական Ասիայի և Հարավային

Կովկասի տարածաշրջանային պլատֆորմի հաջողությունը: Հաշվի առնելով այն հանգամանքը, որ տարածաշրջանային ձևաչափով ԱՌՆ միջոցառումները տեղի են ունենում յուրաքանչյուր 2 տարին մեկ և հաջորդ Եվրոպական ֆորումի հյուրընկալ երկիրն արդեն որոշված է, ՄԱԿ-ի ներկայացուցիչները խոստացան հարցին անդրադառնալ ավելի ուշ:

ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐԻ ՏԵՂԱԿԱԼ



ԱՐԱ ՆԱԶԱՐՅԱՆ

27.11.2018թ.